

Melayu Pulau Pinang gembira lantikan Abdullah

Oleh ZAINAL A.

PULAU PINANG, Sabtu.
— Rombakan kabinet baru yang diumumkan oleh Perdana Menteri, Datuk Seri Dr. Mahathir, hari ini disambut baik oleh semua pihak di sini.

Mereka mensifatkan kabinet baru itu melambangkan perpaduan untuk membawa negara ini ke arah kemakmuran dan kesejahteraan.

Setiausaha Persatuan Melayu Pulau Pinang, Haji Azmi Merican berkata, "Kabinet baru Datuk Seri Dr. Mahathir memang sesuai dan menggambarkan kesederhanaan."

Haji Azmi yakin rakyat akan merestuinnya dan akan laksanakan Dasar Ekonomi Baru.

Mengulas lantikan Datuk Abdullah bin Haji Ahmad sebagai menteri di Jabatan Perdana Menteri, Haji Azmi berkata, lantikan itu membanggakan orang Melayu Pulau Pinang.

Beliau berkata, "Inilah pertama kali seorang menteri dari UMNO Pulau Pinang dilantik sejak negara merdeka."

Yang Dipertua Kelab Glugor, Datuk Mohamed Noor Ahmad, berkata kabinet baru Datuk Seri Dr. Mahathir akan dapat berkhidmat lebih berkesan kepada rakyat.

Katanya, melalui pentadbiran yang cekap, jujur dan ikhlas, negara